

## DEALBH-OBACH & PACA-IARRTAIS-OBACH



Dreuchd	Pàirtiche (Sgioba Ionnsachaidh Air-loidhne)
Cunntachail gu	Manaidsear Ionnsachaidh Air-loidhne (Deasaiche)
Stèidhichte	Glaschu / Steòrnabhagh (obair èasgaidh ri fhaighinn)
Deit dùnaidh airson tagraidhean	6 Màrt 2023, 10m
Agallamhan	13 Màrt 2023

17 Gearran 2023

A thagraiche chòir

### IARRTAS OBRACH – Pàirtiche (Sgioba Ionnsachaidh Air-loidhne)

Taing airson d' ùidh san dreuchd Pàirtiche (Sgioba Ionnsachaidh Air-loidhne)

Bidh an tagraiche soirbheachail aig obair còmhla ris an Sgioba Ionnsachaidh Air-loidhne ann a bhith ag ath-sgrìobhadh susbaint air-loidhne, a' cur susbaint air làrach-lìn SpeakGaelic, agus ann a bhith a' cruthachadh agus a' deasachadh susbaint mheadhanan sòisealta, a' sgrìobhadh stuth ann an Gàidhlig agus Beurla.

Tha sinn a' sireadh neach le làn dhealas a thaobh a bhith ag obair còmhla ri daoine agus buidhnean eile bho sheadh dòighean-obrach *digital first* agus neach aig a bheil dealas a thaobh leasachadh phroifeasanta.

Tha e a' toirt toileachas dhuinn am paca-iarrtais-obrach a chur an cois seo.

Gus tagradh a chur a-steach, cuir thugainn litir-chòmhdachaidh agus an CV agad le iomradh air do sgilean, eòlas agus comasan, a' cur aire shònraichte air an Dealbh Obrach agus Sònrachas Obrach. Bu mhath leinn cluinntinn mu do chomasan agus eòlas bhon dà chuid obraichean pàighte agus saor-thoileach. Ma tha thu ag iarraidh còmhradh neo-fhoirmeil mun obair agus mun chothrom, cuir fios gu Claire NicLeòid, Comhairliche HR, air [hr@mgalba.com](mailto:hr@mgalba.com) agus cuiridh sinn air dòigh àm freagarrach airson còmhradh.

Bu chòir dhut do thagraidh a chur a-steach ro **10m, Diluain 6 Màrt 2023** gu [hr@mgalba.com](mailto:hr@mgalba.com). Cha tèid beachdachadh air tagraidhean a thèid an cur a-steach an dèidh seo.

Thèid agallamhan a chumail air **13 Màrt 2023**.

Le dùrachd



**Dòmhnall Caimbeul**  
**ÀRD-OIFIGEAR**

## MU AR DEIDHINN

### Cò sinn?

Tha MG ALBA (Seirbheis nam Meadhanan Gàidhlig) a' ruith na seanail Ghàidhlig BBC ALBA ann an com-pàirteachas leis a' BhBC. Tha uallach oirnn cuideachd airson FilmG, ann an co-obrachadh le Astar Media, agus thathas a' libhrigeadh LearnGaelic agus SpeakGaelic ann an co-bhanntachd leis a' BhBC agus Sabhal Mòr Ostaig, le taic bho Bòrd na Gàidhlig agus Bòrd na Ceiltis (Alba).



Tha fiosrachadh cudromach mu ar n-amasan agus ar toraidhean airson na bliadhna seo ri fhaighinn nar [Plana Obrachaidh 2022/23](#).

### Càite bheil sinn?

Tha oifisean againn ann an Steòrnabhagh agus Glaschu. Faodaidh an dreuchd a bhith stèidhichte ann an àite seach àite agus tha obair èasgaidh ri fhaighinn.

### Ar Luchd-obrach & Am Bòrd

Tha 40 [neach-obrach](#) againn, le [Bòrd](#) de 9.

### Ar n-Àrainneachd Obrach

Thathas ag obair le dòigh obrach firinneach, fosgailte agus eadar-obrachail. Tha guth gach neach nar sgioba a' cunntadh. Thathas a' co-roinn nas urrainn dhuinn de dh'fhiosrachadh gus am bi fios aig gach neach ciamar a tha am buidheann a' dèanamh, ciamar a tha sinn uile a' cur ri sin agus ciamar as urrainnear a bhith fiùs nas fheàrr nar n-obair.

Thathas pròiseil gun do choilean sinn barantachadh bhon taobh a-muigh bho *Broadcast Best Places to Work in TV* airson ochd bliadhna co-leantail, Inbhe Platinum bho *Creideas nar Cosnaichean* agus Inbhe Òir bho *Creideas nar Cosnaichean Òga*. Thathas dealasach ann a bhith a' dèanamh nas urrainn dhuinn gu bheil ar daoine fallain agus air an coimhead às an dèidh, ag obair le *Healthy Working Lives Awards* agus *We Invest in Wellbeing* bho *Creideas nar Cosnaichean* gus seo a choileanadh.



### Ullachaidhean Chorporra agus Shòisealta

Mar bhuidheann, thathas làn dhealasach mur Ullachaidhean Chorporra agus Shòisealta, a tha air an coileanadh ann an ioma dòigh, nam measg tro ar Poileasaidh Àrainneachd, ar Poileasaidh Fastaidh agus ann an tabhartasan seach airgead chun choimhearsnachd agus buidhnean carthannais. Thathas gu cunbhalach a' toirt seachad eòlas saor an-asgaidh agus uidheamachd gu tachartasan ionadail togail

airgid, dannsan carthannais, farpaisean cheist, cuirmean dhuaisean agus bithear cuideachd a' toirt taic do riochdachadh bhidiothan foillseachadh carthannais, tachartasan spòrs, bùithtean-obrach cultarail agus foghlaim agus tachartasan film/Mòd.

## DREUCHD PÀIRTICHE (SGIOBA IONNSACHAIDH AIR-LOIDHNE)

### Cùl-fhiosrachadh

Tha na meadhanan Gàidhlig, coltach ri gach meadhan eile, a' dol tro atharrachadh brìgheil. Tha seo an dà chuid dùbhlach agus brosnachail.

Bidh an neach ag obair gus brannd SpeakGaelic Air-loidhne a neartachadh.

### Daoine

Bidh na prìomh feartan a leanas aig an tagraiche:

- Deònach a bhith mar phàirt de sgioba thrang a tha a' sior fhàs
- Sàr sgilean eadar-phearsanta agus conaltraidh
- Ùidh shònraichte anns na meadhanan didseatach, gu h-àraidh na meadhanan sòisealta
- Comasach a bhith ag obair ann an sgioba
- Deònach a bhith ag ionnsachadh thar nan obrach, le taic bho leasachadh phroifeasanta agus teisteanas bhon taobh a-muigh

### An dreuchd

Bidh an Pàirtiche (Sgioba Ionnsachaidh Air-loidhne) cunntachail don Mhanaidsear Ionnsachaidh Air-loidhne (Deasaiche). Am measg prìomh eileamaidean na dreuchd tha:

- A bhith mar thosgair airson brannd SpeakGaelic
- Deasachadh làrach-lìn
- A' deasachadh agus a' clàradh susbaint mheadhanan sòisealta
- A' cur ri farpaisean-ceist SpeakGaelic

## Ar Luachan

'S iad na luachan againn na prìomh phrionnsabalan a bhios a' stiùireadh ar n-obrach. Tha iad a' sònrachadh nam prìomhachasan againn agus tha iad mar bhun-stèidh anns gach rud a nì sinn.

### **Cruthachalachd**

- Tha sinn a' comasachadh cruthachadh sàr-shusbaint Ghàidhlig

### **Luchd-amhairc**

- Tha sinn air ar fiosrachadh agus air ar brosnachadh le ar luchd-amhairc

### **Àrd-amas**

- Tha sinn ag amas air agus a' libhrigeadh sàr-mhathas

### **Co-bhanntachd**

- Tha sinn a' coileanadh tro cho-obrachadh

### **Spèis**

- Tha sinn ag èisteachd; tha sinn a' brosnachadh; tha sinn cothromach

## FIOSRACHADH TAGRAIDH

### Prìomh Chinn-là

Tagraidhean fosgladh	17 Gearran 2023
Deit dùnaidh	6 Màrt 2023, 10m
Agallamhan	13 Màrt 2023

### Pròiseas Taghaidh

Tha am pròiseas taghaidh air a chur a-mach ann am [Poileasaidh Fastaidh MG ALBA](#).

### Pannal Taghaidh

Manaidsear-loidhne agus co-obrachaidhean SpeakGaelic, le taic bhon Chomhairliche HR.

### Sgrùdadh Co-ionannachd Chothroman

Tha sinn nar fastaichean co-ionannachd chothroman agus bithear a' cumail sgrùdadh air dàta fastaidh. Cuiribh crìoch air an fhoirm an cois seo, a tha a rèir reachdas GDPR.

### Tagraichean Ciorramach

Cuirear fàilte air tagraidhean bho dhaoine ciorramach agus tha sinn a' gabhail pàirt san Sgeama Agallamh Barantas Obrach airson tagraichean a tha air iad fhèin a mheasadh mar chiorramach agus a tha a' coileanadh nan slatan-tomhais aig an ìre as ìsle airson dreuchd bhàn.

### Rèitearan

Thèid fios a chur gu dà rèitire nuair a thèid gabhail ri tairgse obrach cumhach. Cha tèid fios a chur gu rèitire gun ur cead.

### Dàimh le Ball Bùird / Oifigear / Strì eadar Chom-pàirtean

Bu chòir dàimhean le buill bùird no luchd-obrach, no strì chom-pàirtean ann an dà-rìribh na dh'fhaodadh a bhith air fhaicinn mar strì chom-pàirtean a chur am follais san tagradh.

### GDPR

Thèid dàta pearsanta taobh a-staigh ur tagradh a phròiseasadh, a chumail agus a chur ann an tasglann/cur às dheth a rèir [Sanas Priobhaideachd MG ALBA](#).

## GEÀRR-IOMRADH AIR TEIRMEAN IS CUMHAICHEAN NA H-OBACH

<b>Ìre</b>	Ìre B1-7
<b>Tuarastal</b>	£23,517 gach bliadhna
<b>Fòrladh bliadhnail</b>	31 là + 6 saor-làithean poblach
<b>Peinnean</b>	Sgeama Peinnein Tabhartas Sònraichte, cuiridh MG ALBA 10% den tuarastal bliadhnail, a' dol suas gu 15% ma chuireas an neach-obrach tabhartas de 5% ris
<b>Bàs ann an Seirbheis</b>	4 x Tuarastal Bliadhnail
<b>Sochairean Eile</b>	Gus dòigh beatha fhallain a bhrosnachadh thathas a' tairgse ballrachd <i>gym</i> . Tha dòighean-obrach math teaghlaich agus sùbailte againn agus thathas a' tairgse sgeama rothaireachd.

### Sgeama Pàigheadh Tinneis

Seirbheis suas gu dà bhliadhna	Làn-pàigheadh 1-mhìos agus leth-pàigheadh 1 mhìos, ann an aon bhliadhna
An-dèidh seirbheis 2 bhliadhna	Làn-pàigheadh 2-mhìos/leth-pàigheadh 2 mhìos, ann an aon bhliadhna
An dèidh seirbheis 3 gu 4 bliadhna	Làn-pàigheadh 3-mìosan/leth-pàigheadh 3 mìosan, ann an aon bhliadhna
An-dèidh seirbheis 5 bhliadhna	Làn-pàigheadh 4-mìosan/leth-pàigheadh 4 mìosan, ann an aon bhliadhna

### Ionnsachadh & Leasachadh

Tha e riatanach gum bi plana Ionnsachaidh agus Leasachaidh aig gach neach-obrach a ni comasach dhaibh fàs nas èifeachdaich nan obair agus na h-amasan bliadhnail obrach aca a choileanadh. Thathas a' brosnachadh teisteanasan proifeasanta.

### Gàidhlig

Is e a' Ghàidhlig cànan obrach MG ALBA. Feumaidh an dreuchd seo ìre làidir de chomas sa chànan. Thèid taic a thoirt do gach tagraiche a tha airson tuilleadh leasachaidh a dhèanamh air a' cheangal aca ris a' Ghàidhlig.

### Tuilleadh Fiosrachaidh

Airson còmhradh neo-fhoirmeil mu pìos sam bith den obair, cuiribh fios gu [hr@mgalba.com](mailto:hr@mgalba.com) agus thèid àm freagarrach a chur air dòigh airson còmhradh.



## DEALBH-OBACH

Tìotal-obrach	Pàirtiche (Sgioba Ionnsachaidh Air-loidhne)	Ìre	B1-7	Uaireannan Seachdainneach	37
<b>Amas</b>	A' dèanamh cinnteach gu bheil làrach-lìn SpeakGaelic, app agus meadhanan sòisealta làn de shusbaint buntainneach is làidir a tha luchd-cleachdaidh a' sireadh agus a tha a' cumail ri sgrìobhainnean gèillidh, teicnigeach agus brannda				
<b>Cunntachail do</b>	Manaidsear Ionnsachaidh Air-loidhne (Deasaiche)				
<b>Le uallach airson</b>	<ul style="list-style-type: none"> <li>• A' biathadh Làrach-lìn SpeakGaelic agus ùrlaran nam meadhan sòisealta</li> <li>• A' cruthachadh, a' deasachadh agus a' sgrìobhadh airson susbaint mheadhanan sòisealta</li> <li>• A' dèanamh rannsachadh a thaobh gach brannd ionnsachaidh, SpeakGaelic agus LearnGaelic</li> <li>• A' deasachadh agus ath-sgrìobhadh susbaint fuaime agus bhidio a' cleachdadh <i>Premiere Pro</i> agus <i>Audition</i></li> <li>• Ag obair leis an Sgioba Ionnsachaidh Air-loidhne air na branndan SpeakGaelic agus LearnGaelic</li> <li>• Taic rianachd airson Bòrd Pròiseict SpeakGaelic agus an Sgioba Ionnsachaidh Air-loidhne</li> </ul>				
<b>Dàimhean obrach</b>	Bidh an neach-dreuchd ag obair mar neach-sgioba de Sgioba Ionnsachaidh Air-loidhne MG ALBA fo stiùir a' Mhanaidsear Ionnsachaidh Air-loidhne (Deasaiche) agus a' conaltradh gach latha le co-obraichean ionnsachaidh air-loidhne agus solaraichean treas-phàrtaidh de stuthan foghlaim is craolaidh agus stuthan eile airson ùrlaran didseatach.				
<b>Toraidhean</b>	Bidh an obair a' dèanamh cinnteach gu bheil co-obraichean ionnsachaidh air-loidhne a' faighinn taic a thaobh susbaint airson làthaireachd didseatach nam branndan ionnsachaidh, ag obair gu KPlan comharraichte taobh a-staigh na h-àrainneachd ioma-ùrlar.				
<b>Prìomh gnìomhan</b>	<p>A' toirt taic do cho-obraichean ionnsachaidh air-loidhne ann a bhith a' leasachadh agus a' cumail suas làthaireachd làidir sna meadhanan didseatach. Am measg nan gnìomhan tha:</p> <ul style="list-style-type: none"> <li>• A bhith mar thosgaire airson brannd SpeakGaelic</li> <li>• A' deasachadh làrach-lìn SpeakGaelic</li> <li>• A' deasachadh agus a' cruthachadh susbaint fuaime agus bhidio gu cruth didseatach airson na làraich-lìn SpeakGaelic</li> <li>• A' deasachadh ìomhaighean, bhidiothan agus stuthan fuaime airson làrach-lìn SpeakGaelic agus ùrlaran sòisealta</li> <li>• A' dèanamh sgrùdadh air obair do cho-obraichean</li> <li>• A' cruthachadh, a' deasachadh agus a' sgrìobhadh airson susbaint mheadhanan sòisealta</li> <li>• Ag ullachadh aithisgean mìosail de staitistigean thar ùrlaran nam meadhanan sòisealta</li> <li>• A' toirt taic do cho-obraichean le riochdachadh</li> <li>• A' toirt taic rianachd airson Bòrd Pròiseict SpeakGaelic agus an sgioba Ionnsachaidh Air-loidhne</li> </ul>				
<b>Fad na h-obrach</b>	Cùmhnant 2 bhliadhna, teirm suidhichte				

## SÒNRACHAS OBRACH

	Riathanach	Mionnaichte
<b>Teisteanasan / Eòlas</b>	<p>Ìre B2 de Ghàidhlig thar leughadh, sgrìobhadh, èisteachd agus cainnt</p> <p>Eòlas ann am meadhanan didseatach, gu h-àraidh na meadhanan sòisealta, thar <i>Facebook, Twitter, Instagram, YouTube &amp; Tik Tok</i></p>	<p>Tha teisteanasan proifeasanta mionnaichte ach chan eil iad riathanach</p> <p>Comas, sgiil agus eòlas dearbhte ann an sgilean cànan agus dìoghras airson nan meadhanan didseatach</p> <p>Eòlas ann a bhith a' cleachdadh <i>Adobe Creative Cloud</i> – gu sònraichte <i>Premiere Pro</i> agus <i>Audition</i> no bathar-bog deasachaidh den leithid</p>
<b>Eòlas</b>	<p>Comas teachdaireachdan a sgrìobhadh anns a' Ghàidhlig</p> <p>Eòlas air <i>Microsoft Word, Excel</i> agus <i>Powerpoint</i></p>	<p>Bun-ìre de dh'eòlas deasachaidh</p> <p>Bun-ìre làimhseachadh ìomhaighean</p> <p>Eòlas air <i>Wordpress</i> no siostam manaidseadh susbaint den leithid</p> <p>Tha eòlas pearsanta is proifeasanta, agus dealas airson leasachadh ioma-ùrlar agus innealan mionnaichte</p>
<b>Sgilean</b>	<p>Sàr-sgilean eadar-phearsanta agus conaltraidh (labhairteach agus sgrìobhte) ann an Gàidhlig agus Beurla;</p> <p>Sgilean planaidh làidir; comasach air obrachadh thar sgiobaidhean</p> <p>Comas a bhith dèanadach</p> <p>Aire làidir gu mion-fhiosrachadh</p> <p>Comasach a bhith a' manaidseadh an ùine fhèin agus a bhith a' prìomhachadh mar a bhios feum</p> <p>Comas a bhith a' cur fòcas air aona phìos obrach airson ùine fhada</p> <p>Comasach a bhith ag obrachadh mar phàirt de sgioba</p> <p>Sàr ìre de dhealas ann an leasachadh pearsanta agus proifeasanta</p>	
<b>Riathanas cànan</b>	Neach-labhairt fileanta sa Ghàidhlig	
<b>Modh-giùlain</b>	<p>Deagh chomas air breithneachadh agus air a bhith neo-eisimeileachd na do smuaintean</p> <p>Comas a bhith ag obrachadh mar phàirt de sgioba agus a bhith a' co-obrachadh thar sgiobaidhean</p> <p>Treibhdhireas</p>	Dòigh-obrach deimhinneach

	Earbsachd Sgilean eadar-phearsanta agus dàimheil.	
--	--	--